

Maki Nasumo Naña
YOANE
Siriyuia
Visayuena Na Tusi Nene

Suniena na plas na tusi nini

Maki ãesa kiena Yoane, naga kiena sitomena keviu lua.

Nasumo, Yoane sinenan sape visirlua sitomena kiena li nalelagaena lala naña aulo ñaki nini, vena silaga monar asikol la ruruia naña kiela sitomena ve taaga ga, a vena asikola ruruia amio Ntewa, amio narina naña Yesu Kristo.

A nalua, naga vena visaen vanilla vena ve ataveve re navianiena la naña kiela vianena pe mesmesu re poli, komin navianena la nene akilia akila kare sumãare e kiela visena na visokanen lala, ana yoko kilia kila naña li nalelagaena la taãatete si asikol ruru la e sitomiena ve taaga.

Navianena la nene asumãa apian ke yaru lala, asape ãelaga viowa la apimi amãalivi komin yaru la asike e yomarava, a amiyunãae ke ga e suri na yomarava la ne. Amio nanene, asitom sape Yesu, naga narina Ntewa, ana pe pe yaru ruru re sane ita poli. La asumãa apisa ke asape visae Ntewa tamalia yaru, yaru nena taãatete sitomali si malena na yomarava nini, a pe pe suri re poli visae yaru na sanene kila milamulena viowa po pe kila re milamulena viowa poli a pe pe suri re ñena poli visae naga sinena si yaru taãena pona

ve sinena si re, ana suri la nene maran taaga ga, pe suri na yomarava ga.

Yoane siri ñaki nini, sape kila meraravan naña naga yepen mavin sitomiena la nene pano-o pañisi, a pisawal meraravan naña Yesu Kristo, naga pe yaru nena sane ita. A naga pisaar ñarera sape yaru la naña amlelaga e Yesu, a sinela si Ntewa, monar sinela sisi la ñenaga.

Kompañen Tusi La Na Nini

Visena ñesa 1:1-4

Legiena a yemalo 1:5—2:29

Narina Ntewa lala a narina Yermare lala 3:1-24

Ninuna naña pe purñesnen visena lelaga a ninuna naña pe purñesnen visena na visokanena 4:1-6

Ñelaga kiena yaru naña sinena si yaru 4:7-21

Ñelaga na lelagaena naña kilia taulu make suri la silaga 5:1-21

Yar na visawalen malena kiena ne Ntewa van ita, naga pimi e yomarava ñisi rui

¹ Sur tai, nanua sumo e pogos naña yomarava siaria, ana nagane in na nemloge, nepisu e kilamarau, in na nepisu ruru pano-o, netol nena e lumãu. Sur nene, kiena kia sanini, sape Navisawalen Malena, po Purñes nen Malena, po Malena Naña Ve Uro Re Pogos Tai, nane in na sineun nesape nesiri van amiu.

² Sur nene, nanua sumo pe tekilia re poli, naga sumã ga amio Ntewa arimata pano-o, nagane na pimi ñarpoyo merarava e marata e

yomarava nini narui, ana imimi moki mepisuia, a mepisawal pan yeririna lala.

³ Imimi memloge ruru nena e kiligamimi lala, a mepisu nena e kilamaramimi, ana mesape mevisawal van amiu vena kam mña ga alelaga ea. Visae kam alelaga ea, yokorena kam mña aim ave taaga amio imimi, sa naña imimi mepe taaga ga memio arimata Ntewa a narina Yesu Kristo rui.

⁴ Sur nene kila pupia kekarena sike amio imimi silaga, a visae auarar ruru visena la naña nesape nevisa van amiu e mñaki nini, yoko pupia kekarena nene sike mña amio amiu, pñisi na kila ita punu ga teloge wo vañisi.

Ntewa naga pe purñes nen yomerarava

⁵ Visena naña narina ne Ntewa mla pan imimi, pisape monar mevisawal van yeririna tañena lala, sa nene, naga pisa sape, Ntewa pe purñes nen yomerarava, pe narin yemalolo re nena tai teke puna.

⁶ Ve sanene, visae tepisawal ke tesape tepe taaga temio Ntewa, ana tekila ke ga pñelaga na yemalolo la na wa, nanene tepisokan ke ga ne, pe tekila re sur na lelaga nene poli.

⁷ Ana visae tesuña teyal mña e yomerarava naña Ntewa sike e silaga, kila yoko telapran ita ruru wo silaga, ana tevisu tana na narina, Yesu, kilia kevan ita temekiki e kieta mlamulena viowa lala.

*Nayalena e yomerarava kiena ne Ntewa:
Monar teligan plan pñelaga na mlamulena viowa
lala*

⁸ Yeririna naña pisawo ke, pisape naga pe naviowaena su re e kiena malena poli, kiena visena nene pe pe lelaga re poli, naga pisa kotalia ke sina ga naga.

⁹ Ana visae tevisa plan ga kieta naviowaena lala, yoko Ntewa viewo ita, pñisi na war plan kieta naviowaena lala vetan ita, kila ita temekiki. Naga ga kila ruru mrapa na kilaen sanene rui, ana ita towasine ga naga sane yoko kila van ita sanena naña pisaaria.

¹⁰ Ana visae tesuñña tevirovia, tevisa ñña tesape pe tekila re naviowaena poli na, nanene ita tekila sane Ntewa naga pisokan ga, a ita tekila sane kiena visena nowo na lelagaena, pe tepuarar ruru re nena e kieta malena la poli.

2

¹ Naruu lala, sineun nesape nesiri visena nini van amiu vena iila amiu avisuluñar sane pe pon re si ataña mlamulena viowa poli. Ana visae pogos tai, amiu yar tai kila viowa, monar tesitoñal silaga Yesu sulue ga sike na, sane pe yar wa tai na waren kieta visena lala. Naga mesmas, a mekiki, naga kilia va suñal mesmas e mara Ntewa, kilia viun tania vena naga sinen ye ita, viewo itania.

² Ana mrapa na kilaen sa naña yoko Ntewa kilia viewo itania sanini, nane Yesu ga ne, komin naga pe kuñañaena na warplanen kieta mlamulena viowa lala, ita yeririna punu ga na yomerava.

*Nayalena e yomerarava kiena ne Ntewa:
Monar telogear kiena navisaluaena lala*

³ Visae yar tai viun ve sanini, visave: ?In na pe nekilia re poli, nekilia ruru Ntewa, pona pe nekilia ruru re naga poli? ?In na nepe kiena, pona pe nepe kiena re poli? Ve sanene na, teviun si tania, tevisave, ?Sanape, ko na omlelaga ke e kiena visena lala, pona pe omlelaga re poli?

⁴ Nanene vanon naña visae yar tai visa sape naga kilia ruru sape Ntewa, naga pe kiena, a naga pe kila re sur la naña navisaluaena kiena ne Ntewa pisa ke ne, yar nene naga pe pisa re lelaga ne poli, pisokan ga.

⁵ Ana yar naña mlogear ruru visena kiena ne Ntewa, naga kila meraravan sane naga kekaran kemua lelaga, pimi keviu lue ga. Ana e mrapa na sanene narui tekilia ruru kemua tesape ita tepe kiena ne Ntewa na lelaga.

⁶ Yar naña naga pisa ke sape pe kie Yesu, yoko monar tevisuluþar naña naga mla kemua Yesu pe lelaga e kiena malena.

⁷ Erau lala, e lepas tai na, navisaluaena naña nesiri ke pan amiu, naga pe pe visena viu re tai naña na nanagane poli, naga pe visena tai na susumo, pe visena kiena ne Ntewa ga naña amloge pa na susumo rui.

⁸ Ana e lepas taþena tai na, pe lelaga mēna naña navisaluaena nene, naga sa ga pe urviu si tai pan ita, komin ita tepisu ke sane nagane þere ke yemalolo þaro pano, kila ke yomerarava na lelagaena pimi narui. Naga sane e malena kiena ne Yesu narui, a nanagane pimi ke mēna sanene e kieta malena la narui, þisi na kila ita tepisu kilale ke visena viu nene pe lelaga kemua.

⁹ Visae yar tai visa sape mial ke pa e yomerarava rui, ana tepisu naga sinen kar ke wenla, kila ke piowa pania, yar nene sike e yemalolo wa.

¹⁰ Ana yar naþa kekaran wenla, kila ke po pania, yar nene mial ke pa e yomerarava narui, taþatete sitomañal sape þisi na yalwowe sina e yemalolo, lolor si pogos tai.

¹¹ Ana naga naþa sinen kar ke wenla, naga ve ve sa re nene. Naga sike e yemalolo wa, yemalolo kila sane kilamarana þala, mial wowe lue ga e pupumalko, pe pisuluþar re kiena mrapa poli, pisuluþar re lele ne kom ke e poli.

Nayalena e yomerarava kiena ne Ntewa: Ve tekekaran re yomarava nini

¹² Amiu naruu lala, amiu kiau nin sisi lala e kieta na lelagaena, in na nesiri ke visena la nene pan amiu komin kam ke narui naþa Ntewa arimata piowo kiamiu mlamulena viowa komin kia kiena Yesu Kristo, ana amiu akilia naga.

¹³ Kiamiu yermarua lala, in na nesiri ke visena la nene pan amiu komin kam ke narui akilia ruru laa naga rui, naþa naga mali sike nanua sumo, sumon na siiena yomarava nini.

¹⁴ Kiamiu yar mñee lala, in na nesiri ke visena la nene pan amiu komin kam ke naþa añarera ruru po narui, amligan ruru pa visena kiena ne Ntewa teke e kiamiu malena la rui, ataulu pa Yar Viowa nene rui.

¹⁵ Sineun nesape nevisa ve sanene van amiu, ve akekaran manene re yomarava nini, pona kiena sur lala. Yar na kekaran manene yomarava nini, naga taþatete kekaran ruru arimata.

¹⁶ Nanene komin naña sur na yomarava lala, pona kiena ðelaga lala, ape tañena, pe sa re sur kiena ne arimata Ntewa amio kiena ðelaga lala. Sur na yomarava la nene la sanini, lala ape purþes nen nasinenanen sur moki, ape purþes nen nawereen kilamarata, ape purþes nen warwarena e kieta malena.

¹⁷ Yomarava nini, amio kiena sur la naña yeririna la sinelan manene silaga, naga pimi ke vena kovioena ga, ana yar naña kila ke mesmes e nasinenanena kiena ne Ntewa, naga yoko sulue ga sike narui.

Nayalen e yomerarava kiena ne Ntewa: Monar tevisuar ruru ita vanon sinekar

¹⁸ Naruu lalo-o, nagane tesike e pog maro narui, sa naña amloge pa rui, na yar naña apio asape Nasinekar kiena ne Kristo, yoko kilia vim katenia. Pe tepisu re naga poli wa, ana tepisu pa narin yeririna moki na kila kareen Kristo rui, ana kila tepisuluþaria sane yoko ve ve piavi re na Legiena Maro ñalivi.

¹⁹ Sinekar la naña nepisayu ke ne, kam na akilia ke ne. Nanua, la asu amio ita asu ga likan ita, ana siraunia, asuñalu narui, amligan ita aþure matan ita sina apano. Nanagane na, tepisuluþar la ruru nenaga, sane pe apimi re veraga ga amio ita poli, vanon visae peraga, yoko la asu ruru ga amio ita.

²⁰ Ana kam naña asu ruru ke ga wa, yar wa Kristo pisa ruru amiu pa rui, ana apisuluþar kiena visena, yoko taþatete aurmatan si naga.

²¹ Ve asitom re asape in na sineun nesape nevisi van amiu vanon sitomena tai naña asape amiu na amninue ga suria, vanon pe sa re nene poli. In na nepisu sane akilia aloge ruru kilale visena na lelaga a visena na visokanen p̄isi rui, amiu akilia pa rui visena navisokanena taḡatete molue e visena nalelaga, ana nesape nevis van amiu ve naiilaar amiueua.

²² ?Ana visokanen ya ne la nene apisa ke ne? Visena ne nane, apisa sanene, asape Yesu naga pe pe Navisaarena re poli naña Ntewa mligan pimi tamalia yomarava nini. Visena nene naga pe visena kiena yar la naña sinela kar ke Yesu, ana yar naña pisa sanene, naga kawē ke Ntewa arimata, a kawē ke m̄ena narina.

²³ Yar naña pilopu m̄asina pa narina ne Ntewa, Ntewa taḡatete se e naga, a yar naña pisawal ruruia pisape naga mla narina ne Ntewa e kiena malena, yoko Ntewa m̄ena ga sike amio naga silaga.

²⁴ Lologena wo naña amloge p̄esania nanua sumo, naga pe visen wo a pe lelaga, ana popon aligan ruruia e kiamiu malena lala. Visae ve sanene, yoko kiamiu malena naga sum̄a wo e Ntewa amio Narina silaga,

²⁵ nagane akilia atol malena naña naga pisaaria sape la maran si van ita, naña ve uro re pogos tai.

²⁶ Naga ga nene nesape nevisa van amiu e lepas kiena ne la naña apisa kotalia amiu ke ne, asape aure amiu ava ave taḡena sina.

²⁷ Kristo na miawawo amiu pa rui, ana Ninuna Wa naña amiu atolia e pogos naña, naga sike

amio amiu wa. Naga kilia vian amiu e sur punu ga naña pe lelaga a mesmes, ana tañatete si akale yar tai naña naga kilia vian amiu sina ga e sur lañasia. Yoko akilali ga sa naña Ninuna Wa pian amiun e ñisi rui, naña pisape popon amiu aligan ruru kiamiu malena to ruru lue ga e Kristo.

²⁸ Naga nene, naru lala, visae kieta malena naga su ruru lue ga e Kristo, tañatete teloge viowa pogos naña naga wasuñe sina ga pun ita. Ana visae peraga, pupia memawaena, ñisi na tesape tokuswan marata pogos naña tevisu naga vim.

²⁹ Tekilia tesape Kristo, kiena ñelaga punu ga po a mesmesu, ana yar naña naga ñena sanene, tekilia tesape yar nene naga ñena pe narina ne Ntewa sane Kristo.

3

Ita tepe narina ne Ntewa lala

¹ Asitomveveli sitomena kiena ne arimata Ntewa e ita yeririna viowa lala. Naga kekaran ita keviu pañisi, pano-o kila pan ita sa ga naña tepisu ita sane narin ga lala. Ana pe ita re ga tepisu ita sa nene poli, naga ñena pisu ita sanene, komin naña pure ita tepa loyuña e namratava puna rui, sane narina wawa lala. Yar tañena lala e yomarava pe akilia ruru re arimata poli, sa naña ita tekilia naga, ana sur nene kila la pe apisu kilale ita re ñena poli, sane ita tepe narina lala.

² Erau lala, ita tekilia tevisa tesape tepe narina ne Ntewa, ana pe tekilia re poli wa, sane ñisi na sirau, yoko naga kila ita teim teve ya sina ga.

Ana sur tai tekilia ruruia, naña visae Suñe Yesu warpoyo sina ga, yoko tevisu ruru nena naga e kilamarata napo, tevisu ruru naga, naga ke narui, ana pogos naña tevisu sanene, yoko teimi teve sa ga naga.

³ Ana yar naña sinenan sape yoko naga mña imi ve sa Yesu Kristo, naga monar uarar ruru kiena malena mekiki ruruia a ve wa, sa ga Yesu.

Ita narina ne Ntewa lala: Monar teligan ðelaga viowa lala

⁴ Yar naña taña mlamulena viowa, kilaro ke navisaluaena kiena ne Ntewa, komin purþes nen ðelaga viowa, naga pe ðelaga na monen logearen navisaluaena.

⁵ Ana pogos naña Yesu pimi e yomerava nini, naga pimi naña pe mlamulena viowa tai to re nene e naga, naga pimin vena war plan kieta mlamulena viowa lala.

⁶ Ana visae sanene, yar naña kiena malena teke ruru e naga, yoko mlamulena viowa ve su re si e naga, naga taþatete si kila naviowaena. Ana yar naña mlamulena viowa teke e kiena malena silaga, naga pe pisu ruru re naga poli wa, naga pe kilia re nena naga.

⁷ Kiau narin sisi lala, piowa naña avisa kotalia amiu. Yar naña kiena malena po, naga pe yar mesmesu sane Kristo.

⁸ Yar naña kiena malena piowa, naga pe yeririna kiena Yermare, naña naga pe purþes nen mlamulena viowa e yomarava, siaria e nasiiena pimi tol nanagane. Pelaga viowa kiena ne Yermare kila narina ne Ntewa pitomi mñalivi

e yomarava nini, vena we plan kiena yuññaena viowa lala a kila kiena puriukawaena naga ñisi.

⁹ Yar naña sike loyuma e namratava kiena ne Ntewa, naga tañatete si taña mlamulena viowa, vanon malena kiena ne Ntewa te ea. Naga pe narina ne Ntewa, ana monar kus ñelaga wo kiena ne arimana nene, ñisi na tañatete si kila viowa.

¹⁰ E mrapa ne la nene ita monar tevisu kilia ruru ga sane ane pe narina ne Ntewa, a ane pe narina ne Yermare. Yar naña pe kila re memes poli, pona yaru naña pe kekaran re namratava puna poli, yar na sanene naga pe pe nin sisi kiena ne re nena Ntewa poli.

Ita narina ne Ntewa lala: Monar telogear navisaluaena nasitomen yeririna taña lala

¹¹ Lologena naña amiu amloge siar e purñesia pimi, na sanini, naña pisa sape: ita monar tekekaran ita silaga.

¹² Asitoñali yar sa Yermare nanua ne, Ken, naña pe kekaran re wenla naña Epol poli, naga mñemoñaria. Piowa naña tekila sanene, ana pon tesitomvevelia mias ya ne naga kila sanene? Nanene vanon kiena yuññaena lala, Ntewa pisu piowa ga, ana kiena ne wenla, naga memes ruru po, ana Ntewa kekarania, ñisi na kila Ken pieluen wenla panonia, sinen karia, mñemaria.

¹³ Erau lala, ñelaga viowa na sa nene, yeririna la akila ke pimi tol nanagane, ana ve teilan re naña visae tevisu la avieluen ita mña ga, avisa

kare ita vanon yuññaena wo lala kiena ne Ntewa naña visae teyuññaenia.

¹⁴ Ana ita naña pe sineta kar re yar la poli, tekekaran ruru na mratava pun ita, nanene pe mrapa na kila meraravanen sane temligan marena, tepim e malena rui. Ana yar naña sitomena pe to re e naga poli, naga sike e marena na wa.

¹⁵ Yar naña sinen kar na mratava puna tai, naga sane pe yar na wemoñaren yar la narui, ana sa naña ita tekilia ruru ãa rui, yar na wemoñaren yaru, malena naña ve uro re pe to re e kiena malena poli.

¹⁶ Pona ita yar tai piun ke pisape, ana sur nañane sitomena, naga pe sur na sanape? Pogaga, tekilia tesape sitomena naña pe lelaga, naga sanini: Yesu Kristo tañan kiena malena wetelu panon ita, ana visae sitomena nene teke e ita, ãisi na ita ñena tetañan kieta malena vanon kieta wolai lala.

¹⁷ Yar tai naga limana pulen sur nowo lala a, wenla tai, limana plas kemua lelaga, pe kiena sur re poli. Pisi na naga pisuluñar wenla nene, ana naga kila sinen ñarera laa sane pania, pe miila re poli, yar na sanene sitomena kiena ne Ntewa pe to re nena e poli.

¹⁸ Naruu lala, kieta sitomena ve e re ga e kieta visena lala. Sitomena naña pe lelaga, naga pe sur re tai na visaen ga poli, pe sur na yuññaenena a na kilaena.

¹⁹ Ana visae kieta sitomena ãarlologia ruru marana sanene, nane pe mrapa naña ita tekilia

tesape visena lelaga kiena ne Ntewa p̃ar ke mras e kieta malena. Ana ve sanene na, teloge ga wo vena vaen lavisin Ntewa, ve temaraun re si naga.

²⁰ Pogos laṣasia tekilia temaraun naga, vanon naṣa yoko kieta sitomena kilia liṣere ita sina, kila ita tesitoṃal sina tese kieta naviowaena lala, ana Ntewa naga kilia ruru punu pa rui, ana kieta na viewoena na naga keviu manene laa sane, p̃ar plan petan ita.

²¹ Erau lala, visae losineta naga merarava ruru wo, p̃isi na naga taṣatete liṣere ita sina, kila pe temaraun re nena na va suṃalen se marana ne Ntewa na viunen sur tania.

²² Visae telelaga ṃa e naga, tekila ṃa sur la naṣa naga sinenania, p̃isi na tekilia tetol suria la naṣa tepiun ke tania.

²³ Navisaluaena kiena ne Ntewa pan ita sanini, pisape: Monar telelaga e kia kiena ne narina, Yesu Kristo, a monar tekekaran ita silaga, sa naṣa naga pisa pan ita.

²⁴ Yar naṣa mlogear e navisaluaena kiena ne Ntewa, naga sike amio Ntewa. Ntewa teke e kiena malena. ?A yoko ita tekilia tesape naga teke e ita sanape? Sur nene, Ninuna naṣa naga mla pan ita naga kilia kila ita teloge kilale sane pe lelaga.

4

Ita narina ne Ntewa: Monar tevisuar ruru vanon sinekar kiena ne Kristo lala amio ṣelaga na yomarava

¹ Erau lala: visae amiu yar tai visa ke sape Ninuna Wa teke e naga, kila ke naga pisawal ke kiena visena, popon sa amiu avisu ruruia aninuluþar ninuna na teke e naga, pe lelaga ninuna kiena ne Ntewa, po pe kiena re Ntewa poli. Ita monar tevisu ruruia komin navisawalena navisokanena lala moki asu make yo la ne e yomarava nini rui.

² ?Ana tekilia teninu luþar ninuna la nene ve sanape? Ita tekilia tevisu luþar Ninuna Wa kiena ne Ntewa komin naga pisawal pisape Yesu Kristo pimi pe yeririna, paeme e yomerava,

³ ana visae ninuna tai ve visa re sanene, ninuna nene pe pe kiena ne re Ntewa poli. Ninuna na sanene na molue kome nasinekar kena Kristo, naþa amiu amloge pa rui sane pimi ke rui, pona sike pa e yomarava nini rui.

⁴ Ana naruu lala, ve amaraun re navisawalena la nene, komin amiu asike e lepas kiena ne Ntewa, akilia ataulu la ga. Lelaga paþisi, naga naþa teke e amiu naga m̃arera laa taulu naga naþa sike e yomarava.

⁵ Yar na visokanen la ape yeririna na yomarava ga nini, ana visena la naþa apisa ke ne molue ga e sitomena na yomarava nini, ana yeririna taþena la na yomarava nini amiyagogan la.

⁶ Ana ita yeririna na lelagaena, ita na pe na yomarava re nini poli, ita tepe kiena ne Ntewa. Yar naþa kilia ruru Ntewa, naga kekaran yagogon itaena, a naga naþa pe kiena ne Ntewa re poli, mon yagogon itaena. E mrapa ne la nene ita tekilia teninu luþar Ninuna na visena naþa lelaga, a ninuna na visokanena.

Pelaga na sinesiena

⁷ Erau lala, popon naña tekekaran ita silaga, komin sinesiena naga pe ñelaga kiena ne Ntewa. Yar naña sinen si yeririna, naga pe narina ne Ntewa, ñarlologia ga ñelaga kiena ne Ntewa, kilia ruru Ntewa e kiena malena.

⁸ Yar naña pe sinen si re yeririna la poli, naga kilia re Ntewa poli, komin Ntewa na pe purñes nen nasinesiena.

⁹ ?Ana tepisu pupia nasinesiena kiena ne Ntewa nene pogwai? Tepisu kiena sinesiena nene e pogos naña mligan narina taaga nene pimi e yomarava, vena kila ita tekilia temal.

¹⁰ Nanene nasinesiena naña pe lelaga kemua: pe naga re naña sineta si Ntewa poli, ana naña naga sinena si ita, pano-o tañan narina pitomi pe kuñañaena pe na kilaruruen marana ne kieta naviowaena lala.

¹¹ Erau lala, komin naña Ntewa sinen si ita keviu sanene, kila po pan ita sanene, popon ita mña ga sineta sisi ita ve sanene, tekila wo van ita.

¹² Yar tañatete kirawal Ntewa, ana visae ita sineta si manene ita, yoko tevisu sane Ntewa teke e kieta malena, ana ñelaga na kiena sinesiena yoko imi ve keviu manene laa sane e kieta malena.

¹³ Ita tekilia Ntewa teke e kieta malena, a ita tesike ruru ga e losinena, komin naga mla Nin-una mesmes pan ita, pe na kilaen ita telogekilale tesape sur naña pe lelaga.

14 Tekilia mēna ga pe lelaga ga naḗa Arimata Ntewa mligan narina nene pitomi vena nata-maliaena na yomarava, ve sa naḗa ita tepisu pa e kilamarata rui a naḗa tepisawal ke e yo punu ga.

15 Yar naḗa pisawal ke sape Yesu pe narina ne Ntewa kemua lelaga, Ntewa teke e losinena, a naga mēna teke e losinena ne Ntewa.

16 Tekilia ruru po naḗa Ntewa sinen si ita, komin naḗa tekilia teloge kilia e kieta malena lala, ana tekilia telelaga e kiena visena naḗa pisawal pan ita. Ntewa naga pe purḗes nen nasinesiena, ana yar naḗa ḗelaga na sinesiena pimi keviu e kiena malena, naga teke e losinena Ntewa, a Ntewa teke e losinena.

17 Ntewa sinenan sape kila ḗelaga na sinesiena vim ve keviu la sane e kieta malena lala, vena kilaen kieta ḗelaga lala na yomarava nini ve sa ga ḗelaga kiena ne Kristo nanua ne. Ana visae kieta ḗelaga lala vim wo ve sa nene, yoko wo van ita vaḗisi ne, vanon taḗatete si temarau po tememawa e legiena na liḗereena na pimi ke ne.

18 Visae yar tai naga marau, nanene vanon naḗa naga pisu kiena nakoena tai pimi ke rui, a naga mloge kilale re sinesiena kiena ne Ntewa kila ruru kiena malena poli. Ana ḗelaga na sinesiena napo naga kilia mēnelua nena pupia marauena nēne.

19 Visae sineta si ke yeririna taḗena lala, nanene vanon Ntewa naga sinen si ita ḗesia.

20 Yar naḗa pisa sape naga sinen si Ntewa, ana sinen kar ke namratava tai puna, naga pisokan ke ga. Visae namratava puna naḗa sumā

pisu lue ga ana naga pe sinen si re poli, naga tařatete sinen si Ntewa nařa naga pe pisu re e kilamarana poli.

²¹ Navisaluaena kiena ne Kristo e kieta malena naga sanini, sape: yar nařa sinenan sape ve yar nasinesiruruen Ntewa, naga monar sinen si ruru mēna namratava puna lala.

5

¹ Yar nařa mlelaga sape Yesu na pe Navisaarena, yar nene naga pe narina ne Ntewa lelaga. Ana visae narina ne Ntewa nene visa sape naga sinen si Arimana Ntewa, naga monar sinen si mēna narina ne Ntewa tařena lala.

² ?Ana yoko naga kilia sape sinen si ruru la ve sanape? Visae sinen si Ntewa, ana mlogear kiena navisaluaena lala, yoko naga visu nařa sinen si kemua narin Ntewa la pe lelaga ga.

³ Pelaga na sinen si Ntewa naga sanini: touarar ruru kiena visena. Kiena navisaluaena lala pe urmi manene re pan ita nařa teyumāen poli,

⁴ komin ita sisi la nařa tepaeme pu Ntewa, visae tesuñal mārera e kieta naviawaena, ita tepe yeririna na tauluen pa yomerava nini rui.

⁵ Neviun si vetan amiu: ?Yar nařa taulu ke yomarava nini naga ai? Naga ga nařa visae suñal mārera sape Yesu naga pe narina ne Ntewa kemua lelaga.

⁶⁻⁸ ?Ana tekilia ve sanape nařa Yesu naga pe narina ne Ntewa? Yar la telu nařa apisawal visena nene pan ita: tai na Ninuna Wa, tai na wii, a tařena na kuruta, a la telu nene apisawalia

sane visena taaga ga. Wii naga pisa sape e ãelaga kiena ne Yesu Kristo, naãa paeme e yomarava sanape, naga tol nakeena sanape, ita tekilia tevisuluãar sane naga pe narina ne Ntewa. Ana pe naga re ga nene poli, ana kuruta mña pisa sape e ãelaga kiena ne Yesu mña ke na wa, naãa naga mare sanape, ita tekilia tevisuluãar sane pe lelaga. Ana metavan si nanene, Ninuna Wa, naãa kiena visena pe lelaga lue ga, pisawal meraravan mña e maran yeririna la nakonua rui.

⁹ Ana visena la naãa Ninuna Wa kila, la aurumi paãisi, visae ve sanene monar telelaga ga ea, komin nanene pe pe visena kie yeririna re ga la poli, naga pe visena kiena ne Ntewa navisawalen sape naga pisu Narina sanape.

¹⁰ Yar naãa naga mlelaga ruru e narina ne Ntewa ve lelaga, visena la nene tawa ruru ga sike e kiena sitomena, pe sitom ãele re si poli, ana yar naãa pe mlelaga re e narina ne Ntewa poli, pe mlelaga re e sur naãa Ntewa pisa meraravan ke e narina poli, naga pisu sane Ntewa pisokan ga.

¹¹ Ana visena la naãa monar tesuãal mñarera e silaga, sa nene, asape: Ntewa mla malena naãa ve uro re pogos tai pan ita, ana purães nen malena nene na pe Narina ga.

¹² Yar naãa narina ne Ntewa teke e kiena malena, naga tol pa malena rui, ana naãa narina ne Ntewa pe to re e kiena malena poli, naga pe tol re malena poli wa.

Visen maro: Malena naãa pe luas to re e poli

¹³ Nesiri ke m̃aki nini pan amiu naṣa amlalaga pa e kia kiena ne narina ne Ntewa rui, vena iila amiuena ve kiamiu sitomena ve veve lua re, vena akilia ruru sane atol pa malena naṣa ve uro re.

¹⁴ Pogos naṣa kieta sitomena ve pepe re, ita tekilia tesum̃alu m̃arera e naga, ṣisi na sur ya ne teviun tania mesmesun e kiena nasinenanena, yoko naga loge ita.

¹⁵ Ana visae tekilia ruru sane naga mloge ita pa rui, tekilia ruru m̃ena sane sur ya naṣa tepiun tania, sa naṣa tetol pa rui.

¹⁶ Visae tevisu kieta wolai tai naga kila ke naviowaena, naṣa naviowaena nene pe keviu re poli, pe torokin re yar mare vanon poli, pona wereplan si yeririna lala vetan Yesu Kristo, ita tekilia telenwoia, ṣisi na Ntewa kilia tam̃an ga naga to loyuma e malena. Ana pe nepisa re nesape poga ga amiu alenwo yar naṣa kila pupia naviowaena, vanon naviowaena ṣasia naga na marena ga, ana visae yar tai naga kila sanene, yoko ita taṣatete si tevisa sur tai.

¹⁷ Sur nataṣaviowaena make ga naga mlamulena viowa nene, ana naviowaena ṣasia ape na marena, ana ṣasia pe na marena re poli.

¹⁸ Ana tekilia pa rui sane yar naṣa pimi pe narina ne Ntewa, naga ve kila re si viowaena na marena pona viowaena na pe na marena re poli. Yar na sa nene monar visuar ruru naga, vilon mesmes ruru kiena malena, ṣisi na yar viowa nene taṣatete si kila sur tai vania, taṣatete kila kare si naga.

¹⁹ Yomarava wetelu nini sike vatanon puriukawaena kiena ne Yar Viowa nene, ana

ita yeririna lala naña temlelaga, tekilia ita tepe kiena ne Ntewa ga.

²⁰ Ita tekilia sane narina ne Ntewa pitomi, mla pan ita navisu kilaleena vena tekilia Ntewa naña pe lelaga, ana ita tesike ga e naga ga narui, amio narina nene, Yesu Kristo. Kieta Ntewa nene naga pe lelaga, ana malena naña mla pan ita naga pe luas re poli.

²¹ Naruu lala: amiu avisuar ruru amiu, amiu alotun Ntewa nene naga taaga ga silau, ve atañan re nono taña lala aimi akus lelen e kiamiu sitomen lala.

**Lologena Wo Kienane Yesu Kristo Kome
Kewo
The New Testament in the Lewo Language of Epi
Island, Vanuatu
Le Nouveau Testament en Lewo langue de l'île d'Épi
au Vanuatu — Niutestamen long Lewo lanwis, blong
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 18 Apr 2025 from source files dated 31 Aug 2023

ee028e1c-7e53-571d-8041-681daaf580e8